

BENZBROMARONE

Kua iti te wātea o te benzbromarone puta noa i te ao. Me kōrero atu ki tō rata, mātanga rānei mō te whakawhiti ki tētahi atu rongoā ārai kauti, pēnei i te allopurinol.

He aha te mahi?

Whakamahia ai te *benzbromarone* hei ārai i te kauti. Ka āwhina i ō tākahi ki te tango i te waikawa uriki mai i ō toto.

I mua i to tīmata

- Me kōrero atu ki tō rata mēnā he raruraru ate tōu, he kōhatu tākahi rānei i tōu i mua.
- Me kōrero atu ki tō rata mēnā kei te hapū koe, kei te whai rānei koe kia hapū koe, kei te whāngaiū rānei.

Me pēhea te kai?

Me kai te *benzbromarone* e ai ki ngā tohutohu me tētahi inu wai. Ka taea tēnei te kai i te taha o te kai, kāore rānei.

Ka pā anō mai te mate kauti i ētahi wā ina tīmata koe ki te kai *benzbromarone*. Ka tūtohu pea tō rata i tētahi atu rongoā hei ārai i tēnei. Me kai haere tonu te *benzbromarone* ina pā mai te mate kauti. Ki te whakamutu tonu te kai i ngā pire ko te tikanga ka hē kē atu tō kauti.

Ka aha mēnā ka wareware i a koe tētahi horopeta te kai?

Mēnā kua tata ki te wā mō tō horopeta whai ake, me waiho te horopeta i tāhapa ka kai i tō kai horopeta whai ake hei taua wā anō. Tērā rānei, me kai te horopeta i tāhapa ina maumahara koe. Kauga rawa e kai i ngā horopeta e rua i te wā kotahi.

Ka taea anō e koe ētahi atu rongoā te kai?

Ka tukituki pea ētahi rongoā ehara i te ōta rongoā ki te *benzbromarone*, pērā i ēnei:

- aspirin (hei tauira, Disprin®; ki ngā horopeta mō te whakamauru mamae)
- fluconazole (hei tauira, Diflucan®)

Ka whakarahi ake i te *benzbromarone* te pānga o te warfarin. Mēnā kei te kai warfarin koe, ā, ka tīmata, ka mutu rānei te kai *benzbromarone*, me whakarerekē te horopeta warfarin, ā, me nui ake ō aromatawai toto INR. Me kōrero e koe tēnei me tō mātanga hauora.

Me kōrero atu ki tō kaitaka rongoā, rata rānei mō ngā rongoā katoa, whakamaimoatanga rānei e whiwhi ana koe, tae atu ki ngā huaora, ngā hua otaota, ngā whakapōauau rānei.

He aha ngā hua kino ka rongo pea koe?

Ngā Hua Kino	Tūtohutanga hei whai
Ko ngā tohumate o te mate ate ko te: kōwhai o te kiri, karu rānei, mangleo, pōuri o te mimi, kōmā o te hamuti, mamae puku Ka aumou te maremare, he uaua te hēhē	Me wawe te kōrero atu ki tō rata
Mamae te tuarā o raro, he māwhero/whero/parauri te mimi (he kōhatu tākahi pea)	Me kōrero atu ki tō rata
Mate tikotiko	Me kōrero atu ki tō rata mēnā kei te mamae

Ki te pā mai ētahi atu hua kino, me kōrero atu ki tō rata, kaitaka rongoā rānei.

Ētahi atu mōhiohio:

- Me auau tō whiwhi whakamātautau toto i a koe e kai ana i te *benzbromarone* kia mātua whiwhi koe i te horopeta tika, ā, hei tiroiro mēnā kei te pā he raruraru ki tō ate. Ki te nui rawa te inu waipiro ka piki te tūpono pā mai o ngā raruraru ate.
- Ka pā mai pea ngā kōhatu tākahi i te *benzbromarone* ki te kore e rawaka te inu wai. Me kōrero atu ki tō mātanga hauora.
- Kāore te *benzbromarone* i te rēhita hei whakamahi i Aotearoa. Me kōrero ki tō rata.